

Կ Ա Ր Գ

ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵԶՈՔԱՑՄԱՆ
ՏԱՄՆՀԻՆԳԵՐՈՐԴ ՄԻՋՈՑԱՌՄԱՄԲ ՍԱՀՄԱՆՎԱԾ ԱՇԽԱՏԱՆՔՆԵՐԻ
ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ ՈՒ ՇԱՀԱՌՈՒՆԵՐԻՆ ԳՈՒՄԱՐԻ
ՏՐԱՄԱԴՐՄԱՆ

1. Սույն կարգով սահմանվում են կորոնավիրուսի տնտեսական հետևանքների չեզոքացման տասնհինգերորդ միջոցառմամբ սահմանված աշխատանքների (այսուհետ՝ աշխատանքներ) կազմակերպման և իրականացման, ինչպես նաև շահառուներին (այսուհետ՝ շահառու) գումարի տրամադրման ընթացակարգերը:

2. Աշխատանքները ներառում են Հայաստանի Հանրապետության բարձրադիր գոտիներում գետերի առափնյա հատվածների ծառատնկման և ցանկապատման աշխատանքները՝ Հայաստանի Հանրապետության շրջակա միջավայրի նախարարության կողմից նախատեսված տարածքներում:

3. Աշխատանքների կազմակերպումն իրականացվում է Հայաստանի Հանրապետության Սյունիքի, Շիրակի, Գեղարքունիքի, Տավուշի, Լոռու և Վայոց ձորի մարզերում:

4. Աշխատանքների իրականացման պատասխանատու (այսուհետ՝ պատասխանատու) են սահմանվում Հայաստանի Հանրապետության շրջակա միջավայրի նախարարության «Հայանտառ» ՊՈԱԿ-ը, Վայրի բնության և մշակութային արժեքների պահպանման հիմնադրամը և «Էյ Թի Փի» բարեգործական հիմնադրամը:

5. Աշխատանքների իրականացման ապահովման համար անհրաժեշտ տեղեկատվությունը, այդ թվում՝ գետերի ցանկը, համապատասխան համայնքը (այդ թվում՝ բնակավայրը), որի վարչական սահմաններում գտնվում է նախատեսված տարածքը, վերջինիս մակերեսը, ծառատնկման և ցանկապատման աշխատանքների ծավալը, ըստ

քարտեզագրված տարածքի՝ աշխատանքների կազմակերպման պատասխանատու կազմակերպության տվյալները, սահմանվում է՝ համաձայն N 1 ձևի:

6. Ծառատնկման աշխատանքներն իրականացվում են N 1 ձևով սահմանված գետերի ափամերձ տարածքներում աճող տեղական տեսակի ուռենու կտրոնների հողի մեջ տնկման եղանակով: Կտրոնները պետք է լինեն 25-40 սմ երկարությամբ, 0,5-2 սմ տրամագծով, ունենան առնվազն 4 աչքաբողբոջ: Կտրոնները հողի մեջ տնկվում են աճման ուղղությամբ, երկու երրորդով, այնպես որ 2 աչքաբողբոջ մասն հողից դուրս:

7. Ցանկապատման աշխատանքներն իրականացվում են ծառատնկված տարածքների ցանկապատման համար նախատեսված հատվածներում: Ցանկապատման համար անհրաժեշտ հենասյուները պետք է լինեն առանց կեղևի և շիվերի, 1.8 մետր երկարությամբ, ստորին մասը 0.7 մ երկարությամբ երեսապատված պաշտպանիչ շերտով, տեղադրված լինեն միմյանցից 3-4 մ հեռավորության վրա, հենասյուների համար նախատեսված փոսերը պետք է լինեն 0.35x0.35x0.5մ չափերի: Փշալարը պետք է լինի մեկ լարանի, ակոսավոր, ցինկապատ-ԿՑ1, նորմալ ճշտության, ГОСТ 285-69-ին համապատասխան, փշերի տրամագիծը 2 մմ(± 0.2 մմ), իսկ հիմնալարի տրամագիծը 2.8 մմ (± 0.3 մմ), հիմնալարը՝ թերմոնշակված ամրալարից, 1 գծմ-ի վրա փշերի քանակը՝ 10-ից ոչ պակաս: 1 կմ-ի վրա օգտագործվում է 6400 գծմ փշալար:

8. Աշխատանքների իրականացման մասնագիտական խորհրդատվությունը ապահովվում է Հայաստանի Հանրապետության շրջակա միջավայրի նախարարության, սույն կարգի 4-րդ կետում նշված հիմնադրամների, շահագրգիռ մարզպետարանների և տեղական ինքնակառավարման մարմինների համապատասխան մասնագետների, ինչպես նաև Հայաստանի Հանրապետության ԳԱԱ բուսաբանության ինստիտուտի,

Հայաստանի ազգային ագրարային համալսարանի գիտական և կրթական հաստատությունների, հասարակական կազմակերպությունների (համաձայնությամբ) մասնագետների կողմից՝ հասարակական հիմունքներով:

9. Աշխատանքների կազմակերպումը պատասխանատուների կողմից կարող է պատվիրակվել իրավաբանական և (կամ) ֆիզիկական անձանց՝ պայմանագրային հիմունքներով:

10. Աշխատանքների իրականացման նպատակով շահառուների ներգրավումն ապահովվում է պայմանագրային հիմունքներով:

11. Շահառուներն աշխատանքներին մասնակցելու նպատակով ներկայացնում են հայտ՝ համաձայն N 2 ձևի:

12. Սույն կարգի 9-րդ կետով սահմանված իրավաբանական և (կամ) ֆիզիկական անձինք աշխատանքներին մասնակցելու նպատակով ներկայացնում են հայտ՝ համաձայն N 3 ձևի:

13. Հայտերը ներկայացվում են պատասխանատուին առձեռն կամ էլեկտրոնային փոստի միջոցով՝ N 1 ձևում նշված կապի, ինչպես նաև սույն կարգի 20-րդ կետին համապատասխան պատասխանատուների պաշտոնական կայքէջերում նշված միջոցով:

14. Հայտերի ընդունման վերջնաժամկետ է սահմանվում 2020 թվականի մայիսի 20-ը:

15. Հայտերի գնահատման փուլում առաջնահերթությունը տրվում է համաձայն N 1 ձևի սահմանված գետերին հարակից համայնքների բնակիչներին:

16. Շահառուի կողմից ներկայացված հայտը բավարարելու դեպքում 3-օրյա ժամկետում, հայտում նշված հետադարձ կապի միջոցներով, տեղեկացվում է աշխատանքների իրականացման պայմանագրի (այսուհետ՝ պայմանագիր) կնքման ամսաթվի, ժամի, վայրի վերաբերյալ:

17. Սույն կարգի 6-րդ կետում նշված տեղական տեսակների ուռնու յուրաքանչյուր կտրոնի պատրաստման և տնկման համար շահառուների վարձատրությունը կազմում է 50 դրամ (ներառյալ հարկային պարտավորությունները) և իրականացվում է N 4 ձևով սահմանված տեխնոլոգիական քարտին համապատասխան:

18. Սույն կարգի 7-րդ կետով սահմանված ցանկապատման աշխատանքների իրականացման համար շահառուների վարձատրության չափը սահմանվում է Հայաստանի Հանրապետության կառավարության 2013 թվականի հունիսի 27-ի N 684-Ն որոշմամբ հաստատված նորմատիվներին համապատասխան:

19. Աշխատանքների ավարտից հետո վարձատրության գումարը շահառուներին վճարվում է ելնելով փաստացի կատարած աշխատանքների ծավալներից: Վճարումը կատարվում է անկանխիկ եղանակով՝ շահառուի հաշվեհամարին փոխանցելու միջոցով:

20. Պատասխանատուները, պայմանագրերի կնքման գործընթացն սկսելու մասին զանգվածային լրատվամիջոցներով ծանուցում են հասարակությանը, և համապատասխան հայտարարությունը, այդ թվում՝ ըստ համայնքների կամ անտառտնտեսության մասնաճյուղերի հայտերի ներկայացման վայրը և կոնտակտային հեռախոսահամարը, ու սույն կարգի NN 1, 2, 3 և 4 ձևերով սահմանված տեղեկատվությունը հրապարակում պաշտոնական կայքէջերում:

21. Պատասխանատուները սույն կարգի 16-րդ կետով սահմանված տեղեկատվությունը 1-օրյա ժամկետում փոխանցում են Հայաստանի Հանրապետության շրջակա միջավայրի նախարարությանը, Հայաստանի Հանրապետության տարածքային կառավարման և ենթակառուցվածքների նախարարությանը, համապատասխան մարզպետարաններին՝ իրենց պաշտոնական կայքէջերում հրապարակելու նպատակով:

22. Աշխատանքների ավարտից հետո ձևավորված ափսոսաշուշան շերտի պահպանությունը՝ ըստ տարածքների իրականացվում է համապատասխան տեղական ինքնակառավարման մարմինների և (կամ) «Հայանտառ» ՊՈԱԿ-ի կողմից:

23. Աշխատանքների ավարտից հետո պատասխանատուները հանձնման և ընդունման գործընթացն իրականացնում են համապատասխան տեղական ինքնակառավարման մարմինների հետ:

24. Սույն կարգի 6-րդ կետով սահմանված ծառատնկման աշխատանքների իրականացման վերջնաժամկետ է սահմանվում 2020 թվականի մայիսի 31-ը:

25. Սույն կարգի 7-րդ կետով սահմանված ցանկապատման աշխատանքների իրականացման վերջնաժամկետ է սահմանվում 2020 թվականի հուլիսի 31-ը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ

ՏԵՂԵԿԱՏՎՈՒԹՅՈՒՆ

ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀՏԵՎԱՆՔՆԵՐԻ ՉԵԶՈՔԱՑՄԱՆ ՏԱՄՆՀԻՆԳԵՐՈՐԴ ՄԻՋՈՑԱՌՄԱՄԲ ՍԱՀՄԱՆՎԱԾ ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ ԱՊԱՀՈՎՄԱՆ ՀԱՄԱՐ ԱՆՀՐԱԺԵՇՏ ՏՎՅԱԼՆԵՐԻ ՄԱՍԻՆ

NN ը/կ	Գետի անվանումը	ՀՀ մարզի անվանումը	Համայնքի (քնակավայրի) և (կամ) «Անտառտնտե- սություն» մասնաճյուղի անվանումը	Տնկման ենթակա կտրոնների թիվը, հատ	Պատասխանատու կազմակերպության անվանումը, փոստային հասցեն, էլեկտրոնային փոստի հասցեն, հեռախոսահամարը
1.	Լուսազյուղ Ձորագյուղի Օրգովի	Արագածոտն	Արագածոտնի	20000	«Հայանտառ» ՊՈԱԿ քաղ. Երևան Արմենակյան 129 էլ. հասցե՝ info@hayantar.am հեռ.՝ +374 55-65-04-22
2.	Կալավան Գետիկ	Գեղարքունիք	Ճամբարակի	5000	
3.	Չանախչի	Լոռի	Դսեղի	500	
4.	Շամլուղ Լավար Ջիլիզ Լիլու		Ջիլիզայի	435000	
5.	Ձորագետ Ուրուտ ձոր Գյուլագա- րակի ձոր Սև գետ		Ստեփանավանի	50000	
6.	Աղստև Չիչխան		Վանաձորի	140000	
7.	Տաշիր Դորպատու Նորաշեն Չոնչա		Տաշիրի	120000	
8.	Ծովինար Ջրամբար Դալար	Կոտայք	Հրազդանի	9000	
9.	Չիչխան Թորոս	Շիրակ	Գյումրի	77500	
10.	Քիրս	Սյունիք	Կապանի	6000	
11.	Որոտան Շաքի Շաղատ		Միսիանի	40000	
12.	Քաշունի		Սյունիքի	15000	

13.	Արփա Եղեգիս Դարբ Հերիեր	Վայոց ձոր	Վայոց ձորի	25000	
14.	Ինձորուտ Թթուջուր Տավուշ Հախում	Տավուշ	Արծվաբերդի	100000	
15.	Վազաշեն Գանձաքար Խաչաղբյուր Սպիտակ ջուր		Իջևանի	10000	
16.	Չայդանչի		Նոյեմբերյանի	435000	
17.	Սանաղբյուր Սամսոնա Ախսիտար		Սևքարի	12000	
18.	Կարճաղբյուր Արգիճի	Գեղարքունիք	Մաքենիս Լճական Կարճաղբյուր	250000	«Էյ Թի Փի» բարեգործական հիմնադրամ (համաձայնությամբ) քաղ. Երևան Արշակունյաց 57/5 էլ. հասցե՝ info@armeniatree.org հեռ.՝ +374 10-44-74-01
19.	Գնիշիկաձոր Եղեգիս Քարագլուխ Արատես	Վայոց ձոր	Արենի Եղեգիս	250000	Վայրի բնության և մշակութային արժեքների պահպանման հիմնադրամ (համաձայնությամբ) քաղ. Երևան, Խանջյան 47/1 էլ. հասցե՝ sona.kalantaryan@fpwc.org հեռ՝ +3741058588, +37477110260, +37477009460

Հ Ա Յ Տ

ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵԶՈՔԱՑՄԱՆ
ՏԱՄՆՀԻՆԳԵՐՈՐԴ ՄԻՋՈՑԱՌՄԱՐԲ ՍԱՀՄԱՆՎԱԾ ԱՇԽԱՏԱՆՔՆԵՐԻ
ՄԱՍՆԱԿՑՈՒԹՅԱՆ

Անունը, ազգանունը, հայրանունը	
Անձը հաստատող փաստաթղթի տվյալները	
Բնակության վայրը (փաստացի բնակության հասցեն)	
Հեռախոսահամարը	
Էլեկտրոնային փոստի հասցեն	
Աշխատանքի տեսակը և քանակը	ծառատունկ՝ _____ հատ կտրոն ցանկապատում՝ _____ կմ
Աշխատանքի իրականացման համար նախընտրելի մարզը, համայնքը (բնակավայրը)՝ համաձայն N 1 ձևի	

Հ Ա Յ Տ

ԿՈՐՈՆԱՎԻՐՈՒՄԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵԶՈՔԱՑՄԱՆ
ՏԱՄՆՀԻՆԳԵՐՈՐԴ ՄԻՋՈՑԱՌՄԱՄԻ ՍԱՀՄԱՆՎԱԾ ԱՇԽԱՏԱՆՔՆԵՐԻ
ՄԱՍՆԱԿՑՈՒԹՅԱՆ

Կազմակերպության կամ Ա/Ձ անվանումը	
Տնօրենի անունը, ազգանունը, հայրանունը	
Կազմակերպության ՀՎՀՀ-ն	
Իրավաբանական հասցեն	
Գործունեության հասցեն	
Հեռախոսահամարը	
Էլեկտրոնային փոստի հասցեն	
Աշխատանքի տեսակը և քանակը	ծառատունկ՝ _____ հատ կտրոն ցանկապատում՝ _____ կմ
Աշխատանքի իրականացման համար նախընտրելի մարզը, համայնքը (քնակավայրը)՝ համաձայն N 1 ձևի	

ՏԵԽՆՈԼՈԳԻԱԿԱՆ ՔԱՐՏ
ՈՒՌԵՆՈՒ ԿՏՐՈՆԻ ՊԱՏՐԱՍՏՄԱՆ ԵՎ ՏՆԿՄԱՆ

Նախատեսված աշխատանքների անվանումը	Չափի միավորը	Մեկ հատի արժեքը (հազ. դրամ)	Մեկ նորմայի չափը	Մեկ նորմայի արժեքը (հազ. դրամ)
1	2	3	4	5
Ուռենու շվերի մթերում, կտրատում և կտրոնների կապում փնջերով	հատ	0.025	250.0	6.25
Ուռենու շվերի տնկում	հատ	0.025	250.0	6.25